



PERDANA
LEADERSHIP
FOUNDATION
Y A Y A S A N
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	BERITA HARIAN
Date	02/01/2018

Ucapan dedah dendam kesumat Pengerusi PPBM terhadap Najib

BH - 2/1/2018 p. 8

Kuala Lumpur: Ucapan Pengerusi Parti Pribumi Bersatu Malaysia (PPBM), Tun Dr Mahathir Mohamad, pada perhimpunan agung parti itu di Shah Alam, Sabtu lalu, didakwa mendedahkan dendam kesumatnya terhadap Perdana Menteri, Datuk Seri Najib Razak.

Ahli Majlis Tertinggi (MT) UMNO, Datuk Dr Mohd Puad Zarkashi, berkata Dr Mahathir menyalahkan Najib ke atas kegagalan politik anaknya, Datuk Seri Mukhriz yang juga Timbalan Presiden PPBM.

"Saya amat yakin Dr Mahathir akan melakukan apa saja untuk menjatuhkan Najib daripada jawatan Perdana Menteri. Beliau terlalu obses menjadikan Mukhriz sebagai Perdana Menteri.

"Itu sebabnya beliau keluar masuk UMNO, menjilat DAP sehingga layak digelar sebagai 'manusia tanpa mustahil.'

"Kini beliau sanggup 'bercium mulut' dengan Anwar (Ketua Umum PKR, Datuk Seri Anwar Ibrahim) kerana menuntut pembebasan Anwar walaupun sebelumnya sanggup memenjarakan Anwar atas alasan jenayah liwat," katanya dalam kenyataan, semalam.

Ucapan penggulungan Dr Mahathir pada perhimpunan agung tahunan PPBM itu antara lain menyebut, mufti sepatutnya menegur amanat dikeluarkan Presiden PAS, Datuk Seri Abdul Hadi Awang, pada 1981 yang didakwa mendorong penyokongnya menentang UMNO dan Barisan Nasional (BN) dengan keganasan seperti peristiwa Memali pada 1985.

Mohd Puad berkata, ucapan Dr Mahathir hanya menyalahkan orang lain termasuk mufti dan Sultan.

"Siapa saja yang menghalang Mukhriz menjadi Perdana Menteri akan menjadi musuhnyanya, sebab itu PPBM dan pakatan pembangkang akan terus bergolak jika Mukhriz gagal menjadi Perdana Menteri," katanya.

Mohd Puad berkata, keputusan pakatan pembangkang melantik 'Perdana Menteri sementara' memberi gambaran blok pembangkang dianggotai DAP, PKR, Parti Amanah Negara dan PPBM gagal mencari kesepakatan calon paling layak melaksanakan perubahan dan memacu Malaysia ke arah kemajuan.